

第二二八册

明倫彙編

皇極典

帝紀部

(卷)
三十四

古今圖書集成

中華書局影印



古今圖書集成

卷一百一十五

欽定古今圖書集成明倫彙編皇極典
第八十三卷目錄

帝紀部彙考七十七

遼五

興宗

皇極典第八十三卷

帝紀部彙考七十七

遼五

興宗本紀

按遼史興宗本紀興宗神聖孝章皇帝諱宗眞字夷不董小字只骨聖宗長子母曰欽哀皇后蕭氏上始生齊天皇后取養之幼而聰明長而魁偉龍顏日角豁達大度善騎射好儒術通音律二歲封梁王太平元年開爲皇太子十年六月判北南院樞密使事十一年六月己卯聖宗崩卽皇帝位於柩前壬午尊母元妃蕭氏爲皇太后壬申遣使告哀於宋及夏高麗是年御宣政殿放進士劉貞等五十七人辛卯大赦改元景福乙未奉大行皇帝梓宮殯於末安山太平殿辛丑皇太后賜駙馬蕭紐不里蕭匹敵死園場都太師女直著骨里右祇候郎君詳穩蕭延畱等七人皆棄市籍其家遷齊天皇后於上京秋七月丙午朔皇太后率皇族大臨於太平殿高麗遣使弔慰上召晉王蕭昔古等飲博夜分乃罷丁未擊鞠戊申以耶

律韓八爲左夷離畢特末里爲左祇候郎君詳穩橫帳郎君樂古權右祇候郎君詳穩己酉以耶律鄭畱爲于厥迪烈都詳穩高八爲右皮室詳穩庚戌賑薊州民饑癸丑詔爲大行皇帝御容甲寅錄囚以觀察姚居信爲上將軍建慶州于慶陵之南徙民實之充奉陵邑乙卯以比歲豐稔罷給東京統軍司糧丁巳上謁大行皇帝御容哀慟久之因詔寫北府宰相蕭孝先南府宰相蕭孝穆象於御容殿以蕭阿姑軫爲東京畱守丁卯謁太平殿焚先帝所御弓矢辛晉王普古第視疾辛未錄囚壬申上謁神主帳時與隈蕭氏始入宮亦命拜之八月壬午遷大行皇帝梓宮於敢塗殿九月戊申躬視慶陵庚戌問安於皇太后辛亥宋遣王隨曹儀致祭王嚴許懷信梅詢張綸來慰兩宮范諷孫繼業賀卽位孔道輔魏昭文賀皇太后冊禮戊午焚弧矢鞍勒於敢塗殿庚申夏國遣使來慰庚午以宋使弔祭喪服臨敢塗殿甲戌遣御史中丞耶律蕭司農卿張確詳穩耶律勵四方館使高維翰謝宋弔慰冬十月戊寅宰臣呂德懋薨癸未殺紐不里黨彌勒奴觀音奴等丙戌遣工部尚書高德順崇祿卿李可封致先帝遺物於宋以右領軍衛上將軍耶律遜少府監馬憚充皇太后謝宋使右監門衛上將軍耶律元載引進使魏來充皇帝謝宋使丁酉夏國遣使來聘戊戌以蕭革趙爲果耶律都馬保業充來歲賀宋正旦使閏月辛亥謁敢塗殿閱元宮闕器有司請以生辰爲末壽節皇太后生辰爲應聖節從之辛酉閏新造鎧甲丁卯賑黃龍府饑民十一月壬辰上率百僚算於敢塗殿出大行皇帝服御玩好

焚之縱五坊鷹鶴甲午葬文武大孝宣皇帝於慶陵乙未祭天地問安皇太后丙申謁慶陵以遺物賜羣臣名其山曰慶雲殿曰望仙十二月癸丑至自慶陵皇太后聽政帝不親庶務羣臣表請不從是歲以興平公主下嫁夏國王李德昭子元昊以元昊爲夏國公駙馬都尉重熙元年春正月壬申朔皇太后御正殿受帝與羣臣朝宋遣任布王遵範陳琰王克善來賀乙亥宋遣鄭向郭遵範來賀宋壽節丁丑如雪林二月大蒐三月壬申朔尚父漆水郡王敵烈復爲惕隱是春皇太后誣齊天皇后以罪遣人卽上京行紱后請具浴以就死許之有頃后崩夏四月乙巳清暑別輦斗秋七月獵平地松林以蕭達溥王英秀蕭籠張素羽充來歲賀宋正旦生辰使八月丙午駐蹕刺河源皇子洪基生冬十月己酉幸中京十一月己卯帝率羣臣上皇太后尊號曰法天應運仁德章聖皇太后羣臣上皇帝尊號曰文武仁聖昭孝皇帝大赦改元重熙癸未宋遣劉隨王德本來賀應聖節以楊佖爲翰林承旨丙戌夏國遣使來賀辛丑五國酋長來貢夏國王李德昭薨冊其子夏國公元昊爲夏國王十二月庚戌宋遣胥偃王從益崔暨張懷志來賀來歲正旦又遣楊日嚴王克纂來賀宋壽節以北大王耶律求翰同平章事是年放進士劉師貞等五十七人二年春正月庚辰東幸乙酉夏國遣使來貢壬辰女直詳穩臺押率所部來貢宋遣曹琮來告母后劉氏哀章得象安繼昌來饋母后遺物遂遣延昌宮使耶律壽寧給事中知制誥李奎充祭奠使天德軍節度

使耶律卿寧大理卿和道亨河西軍節度使耶律嵩引進使馬世卿充兩宮弔慰使秋七月甲子朔以耶律楚高升耶律迪王惟允充兩宮賀宋生辰使副以耶律師古劉五常充賀宋來歲正旦使副八月丁酉幸溫泉宮乙卯遣使問諸路禾稼冬十一月甲申宋遣劉實符忠李昭述張茂實等來謝慰奠十二月乙未宋遣丁度王繼凝來賀應聖節己酉禁夏國使沿路私市金鐵甲寅宋遣章頻李懿王冲睦張緯李紘李繼一來賀末壽節及來歲正旦庚申以北府宰相蕭孝先爲樞密使

三年春正月丁卯宋使章頻卒詔有司賻贈命近侍護喪以歸辛卯如春水二月壬辰以北院樞密使蕭普古爲東京留守戊申耶律大師奴有侍襁褓恩詔入屬籍夏四月甲寅振耶述只部五月庚申朔清暑沿柳湖是月皇太后還政於上躬守慶陵六月己亥以蕭普古爲南院樞密使秋七月戊子朔上始親政以耶律庶徵劉六符耶律睦薄可久充賀宋來歲正旦使副壬辰如秋山冬十月己未駐蹕中會川十二月宋遣段少連杜仁贊來賀來歲正旦楊偕李守忠來賀末壽節

四年春正月庚寅如耶迷只里三月乙酉朔立皇后蕭氏夏四月甲寅朔如涼陁五月庚子清暑散水源六月癸丑朔皇子寶信奴生以耶律信呂士宗蕭袞郭揆充賀宋生辰及來歲正旦使副秋七月壬午朔獵於黑嶺九月己酉駐蹕長寧淀冬十月如壬子城十一月壬午改南京總管府爲元帥府乙酉行柴冊禮於白嶺大赦加尚父耶律信寧政事令耶律求輸

書宿贊翊功臣十二月癸丑詔諸軍砲弩弓劍手以時閱習庚申宋遣鄭戡柴貽範楊日華張士禹來賀末壽節及正旦

五年春正月甲申如魚兒濼樞密使蕭延寧請改國舅乙室小功帳散史爲將軍從之四月庚申以潞王查葛爲南府宰相崇德宮使耶律馬六爲惕隱甲子幸后弟蕭無曲第曲水泛觴賦詩丁卯頒新定條制己巳上與大臣分朋擊鞠五月甲午南幸丁未如胡土白山清暑庚申幸北院大王高十行帳拜奧賜銀絹壬戌詔修南京宮闕府署秋七月辛丑錄囚耶律把八誣其弟韓哥謀殺已有司奏當反坐臨刑其弟泣訴臣惟一兄乞貸其死上憫而從之九月癸巳獵黃花山獲熊三十六賞獵人有差冬十月丁未幸南京辛亥曲赦析津府境內囚壬子御元和殿以日射三十六熊賦幸燕詩試進士於廷賜馮立趙徽四十九人進士第以馮立爲右補闕趙徽以下皆爲太子中舍賜緋衣銀魚遂大宴御試進士自此始宋遣宋郊王世文來賀末壽節甲子宰臣張儉等請幸禮部貢院歡飲至暮而罷賜物有差以耶律祥張素民耶律甫王澤充賀宋生辰正旦使副

六年春正月丁丑西幸三月戊寅以秦王蕭孝穆爲北院樞密使徙封吳王晉王蕭孝先爲南京留守夏四月獵野狐嶺閏月獵龍門縣西山五月己酉清暑炭山以耶律韓八爲北院大王蕭把哥左夷離畢王子郎君詳穩鼻姑得林牙簽北面事耶律涅哥同簽點檢司甲寅錄囚以南大王耶律信寧故置重囚及侍婢賊汚命撻以劍背而奪其官都監坐阿附及侍

婢罪皆論死詔貸之丙辰以耶律信寧爲西南路招討使庚申出飛龍廐馬賜皇太弟重元及北南面侍臣有差癸亥以上京留守耶律胡規袞爲南大王平章事蕭查刺寧上京留守侍中管寧行宮都部署耶律蒲奴寧烏古迪烈得都詳穩甲子以上京留守耶律洪古爲北院大王六月壬申朔以善寧爲殿前都點檢護衛太保耶律合住兼長寧宮使蕭阿刺里耶律烏魯幹耶律和尚蕭韓家奴蕭特里蕭求翰爲各宮都部署上酒酣賦詩吳國王蕭孝穆北宰相蕭八撒等皆屬和夜中乃罷己卯祀天地癸未賜南院大王耶律胡規袞命上親爲製詩詞并賜詩以寵之丙申以北院大王侯晒爲南京統軍使秋七月辛丑朔以北南樞密院獄空賞賚有差壬寅以皇太弟重元生子賜詩及寶玩器物曲赦死罪以下癸卯如秋山八月己卯北樞密院言越棘部民苦其酋帥坤長不法多流亡詔罷越棘等五國酋帥以契丹節度使一員領之冬十月癸酉駐蹕石寶岡十一月己亥朔阻上會長來貢辛亥以契丹行宮都部署蕭惠爲南院樞密使壬子以管寧爲南院樞密使蕭掃古諸行宮都部署耶律裏里知南面行宮副部署蕭阿刺里左祇候郎君詳穩耶律曷主右祇候郎君詳穩庚申幸晉國公主行帳視疾封皇子洪基爲梁王十二月以楊估爲忠順軍節度使遣耶律幹秦鑑耶律德崔繼芳賀宋生辰及正旦

七年春正月戊戌朔宋遣高若訥夏元正謝絳張茂實來賀正旦及末壽節辛丑如混同江二月庚午如春州乙亥駐蹕東川丁丑高麗遣使來貢壬午幸五

坊閱鷹鶴乙酉遣使慶州問安皇太后三月戊戌朔
幸皇太弟重元行帳壬寅如蒲河旋辛亥夏國遣使
來貢甲寅錄囚夏四月己巳以興平公主薨遣北院
承旨耶律庶成持詔問夏國王李元昊公主生與元
昊不睦沒詰其故己卯獵白馬場甲申射兔新淀并
乙未獵金山遣楊家進鹿尾茸於大安宮六月乙亥
御清涼殿試進士賜邢彭年以下五十五人第秋七
月甲辰錄囚乙巳阻卜酋長屯克古斯來朝戊申如
黑嶺九月丁未駐蹕平旋冬十月甲子朔渡遼河丙
寅駐蹕白馬淀壬申錄囚十一月癸巳朔以耶律元
方張泥韓至德蕭傳充賀宋生辰正旦使副辛丑問
安皇太后進珍玩庚申錄囚十二月召善擊鞠者數
十人於東京令與近臣角勝上臨觀之己巳以皇太
弟重元判北南院樞密使事北府宰相撒八寧再任
兼知東京留守事耶律應穩南府宰相查割折大內
惕隱乙室己帳蕭翰乾州節度使劉六符參知政事
王子帳冠哥王子耶律詳穩鉅奢大王平州節度使
宰臣張克恭守司空宰臣韓紹芳加侍中惕隱耶律
馬六北院宣徽使傅父耶律喜孫南府宰相癸未宋
遣王舉正張士禹來賀永壽節甲申命日進酒於大
安宮致薦慶陵丁亥錄囚非故殺者減科南面侍御
壯骨里詐取女直貢物罪死上有吏能黥而流之
八年春正月壬辰朔宋遣韓琦王從益來賀丙申如
混同江觀魚戊戌振品部庚戌又魚於率沒里河丁
巳禁朔州鬻羊於宋二月丙子駐蹕長春河夏六月
乙丑詔括戶口秋七月丁巳謁慶陵致奠於望仙殿
迎皇太后至顯州謁園陵還京冬十月駐蹕東京十

一月甲午詔有言北院處事失平擊鍾及邀駕告者
悉以奏聞戊戌朝皇太后召僧論佛法戊申皇太后
行再生禮大赦己酉城長春閏十二月壬辰視吳國
王蕭孝穆疾未遣龐籍杜贊來賀永壽節
九年春正月丙辰朔上進酒於皇太后宮御正殿宋
遣王拱辰彭再思來賀庚申如鴨子河二月駐蹕魚
兒澤三月辛未以應聖節大赦五月乙卯朔清暑永
安山六月射柳祈雨秋七月癸酉宋遣郭禎以伐夏
來報遣樞密使杜防報聘丁丑如秋山冬十月癸未
朔駐蹕中會川十一月甲子女直侵邊發黃龍府鐵
驪軍拒之宋遣蘇伸向傳範來賀應聖節十二月庚
寅以北大王府布張帳郎君自言先世與國聯姻許
置散史命本帳蕭胡觀爲之辛卯以所得女直戶置
肅州以蕭迪劉三般耶律元方王惟吉耶律庶忠孫
文昭蕭紹筠秦德昌充賀宋生辰及來歲正旦使副
詔諸犯法者不得爲官吏諸職官非婚祭不得沉酣
廢事有治民安邊之略者悉具以聞
十年春正月辛亥朔宋遣梁道張從一富弼趙日宣
來賀甲子復遣吳育馮戴來賀永壽節二月庚辰朔
詔蒲盧毛朵部歸曷蘇館戶之沒入者使復業甲申
北樞密院言南北二王府洎諸部節度侍衛祗候郎
君皆出族帳旣旣與民戌邊其祗候事請亦得以部
曲代行詔從其請夏四月詔罷修鴨綠江浮梁及漢
兵屯戌之役又以東京留守蕭撒八言弛東京擊鞠
之禁六月戊寅以蕭寧耶律坦崔禹稱馬世長耶律
仁先劉六符充賀宋生辰使副耶律庶成趙成耶律
烈張旦充來歲賀宋正旦使副秋七月壬戌詔諸職

官私取官物者以正盜論諸敢以先朝已斷事相告
言者罪之諸帳郎君等於禁地射鹿決三百不徵償
小將軍決二百以下及百姓犯者罪同郎君論八月
丙戌以醫者鄧延貞治詳穩蕭雷寧疾驗贈其父母
官以獎之九月辛亥朝皇太后國舅雷寧薨庚申皇
太后射復熊上進酒爲壽癸亥上獵馬孟山草木蒙
密恐獵者誤射傷人命耶律迪姑各書姓名於矢以
志之丙寅夏國獻宋俘以石硬砮太保郭三避虎不
射免官冬十月丙戌詔東京留守蕭孝忠察官吏有
廉幹清強者具以名聞庚寅以女直太師臺押爲曷
蘇館都大王辛卯以皇子胡盧幹里生北宰相駙馬
撒八寧迎上至其第飲宴上命衛士與漢人角觥爲
樂壬辰復飲皇太后殿以皇子生肆赦夕復引公主
駙馬及內族大臣入寢殿劇飲甲午幸中京庚子以
駙馬都尉蕭忽烈爲國舅詳穩十一月丙辰回鶻遣
使來貢十二月丙子朔宋遣劉沆王整來賀應聖節
乙未置捷木不姑酋長以胡捷刺爲平章事上聞宋
設關河治壕堦恐爲邊患與南北樞密吳國王蕭孝
穆趙國王蕭貫寧謀取宋舊割關南十縣地遂遣蕭
英劉六符使宋庚寅宋遣張洸侯宗亮薛申待其潛
施昌言潘耒照來賀永壽節及來歲正旦以宣政殿
學士楊佖爲吏部尚書判順度軍節度使事丁酉議
伐宋詔諭諸道
十一年春正月戊申奉迎皇太后於內殿庚戌遣南
院宣徽使蕭特末翰林學士劉六符使宋取晉陽及
瓦橋以南十縣地且問與師伐夏及沿邊疏濬水澤
增益兵戌之故二月壬寅如駕鶯澤四月甲戌朔頒

南征賞罰令六月乙亥宋遣富弼張茂實奉書來聘以書答之王午御含涼殿放進士王實等六十四人禁錮銀鬻入宋秋七月壬寅朔詔盜易官馬者減死論外路官勤瘁正直者考滿代不治事者即易之八月丙申宋復遣富弼張茂實奉書來聘乞增歲幣銀絹以書答之九月壬寅遣北院樞密副使耶律仁先漢人行宮副部署劉六符使宋約和是時富弼爲上言大意謂遼與宋和坐獲歲幣則利在國家臣下無與與宋交兵則利在臣下害在國家上感其言和好始定閏月癸未耶律仁先遣人報宋歲增銀絹十萬兩匹文書稱貢送至白溝帝喜宴羣臣於昭慶殿是日振恤三父族之貧者辛卯仁先劉六符還進宋國誓書冬十一月丁亥羣臣加上尊號曰聰文聖武英略神功睿哲仁孝皇帝開皇后蕭氏曰貞懿宣慈崇聖皇后大赦梁王洪基進封燕國王十二月癸卯朝皇太后甲辰封皇太弟重元子涅魯古爲安定郡王己酉以宣獻皇后忌日上與皇太后素服飯僧於延壽憫忠三學三寺辛亥詔蠲預備伐宋諸部租稅一年壬子以吐渾党項多鬻馬夏國詔謹邊防己未宋遣賀正旦及未壽節使居邸帝微服往觀丁卯禁喪葬殺牛馬及藏珍寶

十二年春正月辛未遣同知析津府事耶律敵烈樞密院都承旨正惟吉論夏國與宋和王申以吳國王蕭孝穆爲南院樞密使北府宰相蕭孝忠北院樞密使封楚王韓國王蕭惠北府宰相同知元帥府事韓八南院大王耶律遼嚆東京留守北院樞密副使耶律仁先同知東京留守事北面林牙蕭華北院樞密

副使甲戌如武清寨葦淀二月壬寅禁關南漢民弓矢己酉夏國以加上尊號遣使來賀甲寅耶律敵烈等使夏國還奏元昊罷兵即遣使報宋三月辛卯幸南京壬辰高麗國以加上尊號遣使來賀夏四月己亥置同政部詳穩都監庚子夏國遣使進馬馳五月辛卯幹魯蒲盧毛朵部二使來貢失期省而遣還乙未詔復定禮制是月辛山西六月丙午詔世選宰相節度使族屬及身為節度使之家許葬用銀器仍禁殺牲以祭庚戌詔漢人官分戶絕恆產以親族繼之辛亥阻卜大王屯禿古斯弟太尉撒葛里來朝丙辰回鶻遣使來貢甲子以南院樞密使吳國王蕭孝穆爲北院樞密使徙封齊國王秋七月丙寅朔北院樞密使蕭孝忠薨特釋繫囚庚寅夏國遣使上表請伐宋不從八月丙申調慶陵辛丑燕國王洪基加尚書令知北南院樞密使事進封燕趙國王戊午以前西北路招討使蕭塔烈葛爲右夷離畢庚申于越耶律洪古薨甲子阻卜來貢九月壬申朝皇太后謁望仙殿壬午謁懷陵冬十月丁酉駐蹕中會川己亥北院樞密使蕭孝穆薨追贈大丞相晉國王庚子詔諸路上重囚遣官詳讞辛亥叅知政事韓紹芳爲廣德軍節度使三司使劉六符長寧軍節度使壬子以夏人侵党項遣延昌官使高家奴讓之甲子北府宰相蕭惠爲北院樞密使幽王遂哥爲惕隱惕隱敵魯古封漆水郡王西北路招討使樞密副使蕭阿剌同知北院宣徵事出飛龍廐馬分賜羣臣十一月丁丑追封楚王蕭孝忠爲楚國王丁亥以上京歲儉復其民租稅癸巳朝皇太后十二月戊申改政事省爲中書省

十三年春正月甲子朔朝皇太后戊辰如混同江辛未獵兀魯館岡二月庚戌如魚兒渾丙辰以叅知政事杜防爲南府宰相三月丁亥高麗遣使來貢以宣正殿學士楊佖叅知政事是月置契丹警巡院夏四月己酉遣東京留守耶律侯嚆知黃龍府事耶律歐里斯將兵攻蒲盧毛朵部甲寅南院大王耶律高十奏党項等部叛附夏國丙辰西南面招討都監羅漢奴詳穩幹魯母等奏山西郡族度使屈烈以五部叛入西夏乞南北府兵援送實威塞州戶詔富者遣行餘留屯田天德軍五月壬戌朔羅漢奴奏所發部兵與党項戰不利招討使蕭普達四捷軍詳穩張佛奴歿於陣李元昊來援叛黨戊辰詔徵諸道兵會西南邊以討元昊六月甲午阻卜酋長烏八遣其子執元昊所遣來援使盜邑改來乞以兵助戰從之駐蹕永安山以將伐夏遣延昌官使耶律高家奴告宋丙申詔前南院大王耶律谷欲翰林都林牙耶律庶成等編集國朝上世以來事蹟丙午高麗遣使來貢丁未錄囚秋七月辛酉西河縣民李宜兒以左道惑衆伏誅庚午行再生禮庚辰夏國遣使來朝八月乙未以夏使對不以情羈之丁丑夏國復遣使來詢以事宜又不以實對答之九月戊辰宋以親征夏國遣余靖致驢禮壬申會大軍於九十九泉以皇太弟重元北院樞密使韓國王蕭惠將先鋒兵西征冬十月庚寅祭天地丙申獲党項偵人射鬼箭丁酉李元昊上表謝罪己亥元昊遣使來奏欲收叛黨以獻從之辛亥元昊遣使來進方物詔北院樞密副使蕭華迎之壬子軍於河曲革言元昊親率党項三部來詔華詰

其納叛背盟元昊伏罪賜酒許以自新遣之名羣臣議皆以大軍既集宜加討伐癸丑督數路兵掩襲殺數千人駙馬都尉蕭胡觀爲夏人所執丁巳元昊遣使以先被執者來歸詔所留夏使亦還其國十一月辛酉賜有功將校有差甲子班師丁卯改雲州爲西京辛巳朝皇太后十二月己丑辛酉京戌戌以北院樞密副使耶律敵烈爲右夷離畢己亥高麗遣使來貢戊申蕭胡觀自夏來歸

十四年春正月庚申以侍中蕭虛烈爲南院統軍使封遼西郡王庚午如駕驚濤壬午以金吾衛大將軍敵魯古爲乙室大王甲申夏國遣使進謁以常侍幹古得戰歿命其子習羅爲帥二月庚子朝皇太后駐蹕撒刺濤三月己卯宋以伐夏師還遣使來賀辛亥高麗遣使來貢閏五月癸丑清暑未安山丁卯謁慶陵己卯阻卜大王屯禿古斯率諸酋長來朝庚辰夏國遣使來貢辛亥以西南面招討使蕭普達戰歿贈同中書門下平章事秋七月戊申駐蹕中會川冬十月甲子望祀木葉山十一月壬午朔回鶻阿薩蘭遣使來貢甲辰以同知北院宣徽事蕭阿剌爲北府宰相十二月癸丑觀漢軍習砲射擊刺癸亥決滯獄十五年春正月乙酉如混同江祭契丹以奴婢鬻與漢人二月乙卯如長春河丙寅蒲盧毛朶界曷懶河戶來附詔撫之三月甲申朝皇太后乙酉以應聖節減死罪釋徒以下辛卯朝皇太后丁酉高麗遣使來貢詔諸道歲具獄訟以聞夏四月辛亥禁五京吏民擊鞠戊午罷遙輦帳戊戌軍壬戌以北女直詳穩蕭高六爲奚六部大王甲子清暑未安山甲戌蒲盧毛朶

曷懶河百八十戶來附六月癸丑以西京留守耶律馬六爲漢人行宮都部署參知政事楊佖出爲武定軍節度使戊辰御清涼殿放進士王棠等六十八人甲戌西北路討招使耶律敵魯古坐贓免官秋七月乙酉幽王遂哥薨戊子觀穫乙未以北院宣徽使旅墳爲左夷離畢前南府宰相耶律喜孫東北路詳穩丙申籍諸路軍丁酉如秋山辛丑禁扈從踐民田丁未以女直部長邁母率衆來附加太師八月癸丑高麗王欽薨遣使來告九月甲辰禁以置網捕狐兔冬十月己酉駐蹕中會川十一月丁亥以南院樞密使蕭孝友爲北府宰相契丹行宮都部署耶律仁先南院大王北府宰相蕭革同知北院樞密使事知夷離畢事耶律信先漢人行宮都部署左夷離畢旅墳惕隱漢人行宮都部署耶律敵烈左夷離畢己亥渤海部以契丹戶例通括軍馬乙巳賑南京貧民十二月壬申曲赦徒以下罪是日爲聖宗在特生辰十六年春正月己卯如混同江二月庚申如魚兒濤辛酉禁羣臣遇宴樂奏請私事詔世選之官從各部耆舊擇材能用者用之三月丁亥如黑水濤癸巳遣使審決雙州囚壬寅大雪夏四月乙巳朔皇太后不豫上馳往視疾丙午皇太后愈復如黑水濤丁卯肆赦六月戊申清暑未安山丁巳阻卜大王屯禿古斯來朝獻方物戊午詔士庶言事秋七月辛卯幸慶州自是月至於九月日射獵於楚不溝霞列繫輪石塔諸山冬十月辛亥幸中京謁祖廟丙辰定公主行婚禮於舅姑儀庚午鐵驪仙門來朝以始入貢加右監門衛大將軍十一月戊寅祠木葉山己丑幸中京朝皇

太后壬辰禁漏泄宮中事十二月辛丑朔女直遣使來貢辛亥謁太祖廟觀太宗收晉圖癸丑問安皇太后乙卯以太后愈難犯死罪減一等論徒以下免庚申南府宰相杜防韓紹榮奏事有悞各以大杖決之出防爲武定軍節度使壬戌高麗遣使來貢十七年春正月丁亥如春水閏月癸丑射虎於候里吉二月辛巳振瑤穩懋穆部是月詔士庶言國家利便不得及己事奴婢所見許白其主不得自陳夏國王李元昊薨其子諒祚遣使來告即遣未與宮使耶律裏里右護衛太保耶律興老將作少監王全慰奠三月癸卯以同知南京留守事蕭塔剌葛爲左夷離畢知右夷離畢事唐古爲右夷離畢丙午夏國李諒祚遣使上其父元昊遺物丁卯鐵不得國使來乞以本部軍助攻夏國不許夏四月辛未武定軍節度使杜防復爲南府宰相丙子高麗遣使來貢甲申蒲盧毛朶部大王蒲葦以造船人來獻六月庚辰阻卜獻馬馳二萬辛卯長白山太師柴葛回跋部太師撒刺都來貢方物秋七月丁未于越摩梅欲之子不葛一及婆離人部夷離畢虎魁等內附甲寅錄囚減雜犯死罪八月丙戌復南京貧戶租稅戊子以殿前都點檢耶律義先爲行軍都部署中順軍節度使夏行美副部署東北面詳穩耶律木者爲監軍伐蒲奴里酋陶得里冬十月甲申南院大王耶律韓八薨甲午駐蹕獨盧金十一月乙未朔遣使括馬丁巳賜皇太弟重元金券封皇子和魯幹爲越王阿速許王忠順軍節度使謝家奴陳王西京留守貼不漢王楊隱旅墳遼西郡王行宮都部署別古得柳城郡王奉陵軍節

度使侯古饒樂郡王安定郡王涅魯古進封楚王
十八年春正月甲午朔日有食之戊戌留夏國賀正
使不遣己亥遣北院樞密副使蕭惟信以伐夏告宋
辛丑錄囚丙午如駕鶯濬丙辰獵霸特山耶律義先
奏蒲奴里捷二月庚辰幸燕趙國王洪基帳視疾乙
酉耶律義先等執陶得里以獻三月乙巳高昌國遣
使來貢壬子以洪基疾愈赦雜犯死罪以下丁巳烏
古遣使送款夏四月癸酉以南府宰相耶律高十為
南京統軍使五月甲辰五國酋長各率其部來附庚
戌回跋部長兀迭臺扎等來朝戊午五國節度使耶
律仙童以降烏古叛人授左監門衛上將軍六月壬
戌朔以韓國王蕭惠為河南道行軍都統趙王蕭孝
友漢王貼不副之乙丑錄囚丙寅行十二神靈禮己
巳宋以遼師伐夏遣錢逸致贈禮庚辰阻卜來貢馬
馳珍玩辛巳夏國使來貢阻卜不遣丁亥行再生禮
秋七月戊戌親征八月辛酉渡河夏人遁乃還九月
丁未蕭惠等為夏人所敗冬十月北道行軍都統耶
律敵魯古率阻卜諸軍至賀蘭山獲李元昊妻及其
官僚家屬遇夏人三千來戰殲之烏古敵烈部都詳
穩蕭慈氏奴南剋耶律幹里死焉十二月戊寅慶陵
林木火己卯錄囚有弟從兄為強盜者兄弟俱無子
特原其弟

十九年春正月庚寅僧惠鑑加檢校太尉庚子耶律
敵魯古復封漆木郡王諸將校及阻卜等部酋長各
進爵有差贈蕭慈氏奴同中書門下平章事辛丑遣
使問罪于夏國壬寅如魚兒濬二月丁亥夏將注普
提貨乙丑紀等來攻金肅城南面林牙耶律高家奴

等破之注普被創遁去殺役貨乙丑紀三月戊戌殿
前都點檢蕭迭里得與夏戰於三角川敗之癸卯命
西南招討使蕭蒲奴北院大王宜新林牙蕭撒抹等
帥師伐夏以行宮都部署別古得監戰甲辰遣同知
北院樞密使蕭革按軍邊城以為聲援己酉駐蹕息
雞淀丙辰幸殿前都點檢蕭迭里得駙馬都尉蕭胡
觀帳視疾夏四月丙寅如魚兒濬壬申蒲盧毛朵部
惕隱信篤來貢甲申高麗遣使來貢五月己丑如涼
陁癸巳蕭蒲奴等入夏境不與敵遇縱軍俘掠而還
丁酉夏國注普來降己亥遠夷拔思母部遣使來貢
六月丙辰朔置倒塌嶺都監丙寅謁慶陵庚午幸慶
州謁太安殿壬申詔醫士屠販奴隸及背父母或犯
事逃亡者不得舉進士回跋曷蘇館蒲盧毛朵部各
遣使貢馬甲戌宋遣使來賀伐夏捷高麗使俱至辛
巳御金鑾殿試進士秋七月壬辰駐蹕擇里蒲盈癸
巳以燕趙國王洪基領北南樞密院乙未阻卜長豁
得刺弟幹得來朝加太尉遣之戊戌錄囚戊申以左
夷離畢蕭唐古為北院樞密副使壬子獵候里吉八
月丁卯阻卜酋長喘只葛拔里斯來朝九月壬寅夏
人侵邊敵魯古遣六院軍將海里擊敗之冬十月庚
午還上京辛未夏國王李諒祚母遣使乞依舊稱藩
使還詔諭別遣信臣詣闕當徐思之壬申釋臨潢府
役徒甲戌如中會川十一月甲午阻卜酋長豁得刺
遣使來貢庚戌錄囚壬子出南府宰相韓知白為武
定軍節度使樞密副使楊績長寧軍節度使翰林學
士王綱澤州刺史張有徽州刺史知制誥周白海北
州刺史閏月乙卯以漢王貼不為中京留守辛未以

同知北院樞密使事蕭革為南院樞密使南院大王
耶律仁先知北院樞密使事封宋壬十二月丁亥北
府宰相趙王蕭孝友出為東京留守東京留守蕭塔
列葛為北府宰相南院樞密使路王查葛為南院大
王庚戌韓國王蕭惠徙封魏王致仕壬子夏國李諒
祚遣使上表乞依舊臣屬
二十年春正月戊戌駐蹕混同江二月甲申遣前北
院都監蕭友括等使夏國索項叛戶已丑如蒼耳
濬甲辰吐蕃遣使來貢三月壬子朔幸黑水夏五月
癸丑蕭友括等使夏還李諒祚母表乞如党項權進
馬駝牛羊等物己巳夏國遣使求唐隆鎮及乞罷所
建城邑以詔答之六月丙戌詔以所獲李元昊妻及
前後所俘夏人安置蘇州以伐夏所獲物遣使還宋
秋七月如秋山九月詔更定條制駐蹕中會川冬十
月己卯朔括諸道軍籍十一月庚申以楊隱都監蕭
謨魯為左夷離畢甲子命東京留守司總領戶部內
省事丁卯罷中丞記錄職官過犯令承旨總之十二
月乙酉以皇太后行再生禮肆赦
二十一年春正月辛亥如混同江二月如魚兒濬夏
四月癸未以國舅詳穩蕭阿剌為西北路招討使封
西平郡王六月丙子駐蹕永安山秋七月甲辰朔召
北府宰相蕭塔烈葛南府宰相漢王貼不南院樞密
使蕭革知北院樞密使事仁先等賜坐論古今治道
戊申祀天地己酉詔北南樞密院日再奏事壬子追
尊太祖之祖為簡獻皇帝廟號元祖祖妣為簡獻皇
后太祖之考為宣簡皇帝廟號德祖妣為宣簡皇后
追封太祖伯父夷離畢嚴木為蜀國王于越釋魯為

隋國王以燕趙國王洪基爲天下兵馬大元帥知楊
隱事賜詔諭之癸亥近侍小底盧寶僞學御畫免死
配役終身甲子如秋山戊辰謁慶陵以南院樞密使
蕭革爲北院樞密使封吳王辛未如慶州壬申追封
太祖弟寅底石爲許國王八月戊子太尉烏者薨詔
配享聖宗廟九月乙卯平州進白兔己未謁懷慶庚
申追上嗣聖皇帝天順皇帝尊諡及更諡彰德皇后
曰靖安癸亥諡齊天皇后曰仁德皇后甲子謁祖陵
增太祖諡大聖大明神烈天皇帝更諡貞烈皇后曰
淳欽恭順皇帝曰章肅后蕭氏諡曰和敬冬十月戊
寅駐蹕中會川丁亥夏國李諒祚遣使乞弛邊備卽
遣蕭友括奉詔諭之戊子幸顯懿二州甲午遼興軍
節度使蕭虛烈封鄭王南院大王潞王查葛爲南院
樞密使進封越國王戊戌射虎於南撒葛柏辛丑謁
乾陵十一月壬寅朔增諡文獻皇帝爲文獻欽義皇
帝及諡二后曰端順曰柔貞復更諡世宗孝烈皇后
爲懷節丁未增孝成皇帝諡曰孝成康靖皇帝更諡
聖神宣獻皇后爲睿智甲子次中會川回鶻阿薩蘭
遣使貢名馬文豹丙寅錄四十二月戊戌以北府宰
相塔烈葛爲南京統軍使鄭王虛烈北府宰相契丹
行宮都部署耶律義先惕隱釋役徒限年者
二十二年春正月乙巳如混同江二月丙子回鶻阿
薩蘭爲鄰國所侵遣使求援庚辰如春水三月癸亥
李諒祚以賜詔許降遣使來謝丙寅如黑水濊夏四
月戊子獵鶴淀五月壬寅詔內地州縣植果六月壬
申駐蹕胡呂山癸未高麗遣使來貢秋七月己酉阻
卜大王屯禿古斯率諸部長獻馬馳庚申如黑嶺聞

月庚午烏古來貢癸巳長春州置錢帛司九月壬辰
夏國李諒祚遣使進降表甲午遣南面林牙高家奴
等奉詔撫諭冬十月丙申朔日有食之十一月辛卯
詔諸職事官以禮受代及以罪去者置籍歲申樞密
院十二月丙申朔詔回鶻部副使以契丹人充庚子
應聖節曲赦徒以下罪壬子詔大臣曰朕與宋主約
爲兄弟歡好歲久欲見其繪像可論來使
二十三年春正月己巳如混同江癸酉獵雙子淀戊
子夏國遣使貢方物壬辰如春水甲午獵盤直坡三
月丁亥幸皇太弟重元帳夏四月癸卯高麗遣使來
貢癸丑獵合只忽里五月己巳李諒祚之進馬馳詔
歲貢之庚寅駐蹕永安山壬辰夏國遣使來貢六月
丙申如慶州己亥謁慶陵壬寅高麗王徵請官其子
詔加檢校太尉辛亥吐蕃遣使來貢秋七月己巳夏
國李諒祚遣使來求婚甲戌如秋山己卯詔八房族
中饋九月庚寅獵遇三虎縱大獲之冬十月丁酉駐
蹕中京戊戌辛新建祕書監辛丑有事於祖廟癸丑
以開泰寺鑄銀佛像敕在京囚丙子李諒祚遣使
進誓表十一月乙丑阻卜部長來貢壬申帝率羣臣
上皇太后尊號曰仁慈聖善欽孝廣德安靜貞純懿
和寬厚崇覺儀天皇太后大赦內外官進級有差癸
未錄囚甲申羣臣上皇帝尊號曰欽天奉道祐世興
曆武定文成聖神仁孝皇帝冊皇后蕭氏曰貞懿慈
和文惠孝敬廣愛崇聖皇后十二月丙申如中會川
二十四年春正月癸亥如混同江戊辰朝皇太后辛
巳宋遣使來賀饋馴象二月己丑朔召朱使鈞魚賦
詩癸巳如長春河甲寅夏國遣使來賀三月癸亥皇

太弟重元生子曲敕行在及長春鎮北二州徙以下
罪夏五月駐蹕南崖秋七月壬午如秋山次南崖之
北峪不豫八月丁亥疾大漸召燕趙國王洪基諭以
治國之要戊子大赦縱五坊鷹鶴焚釣魚之具己丑
帝崩於行宮年四十遺詔燕趙國王洪基嗣位清寧
元年十月庚子上尊諡爲神聖孝章皇帝廟號興宗
贊曰興宗卽位年十有六矣不能先尊母后而尊其
母以致臨朝專政賊殺不辜又不能以禮幾諫使齊
天死於獄逆有虧王者之孝惜哉若夫大行在殯飲
酒博鞠疊見簡書及其謁遺像而哀慟受宋弔而衰
經所爲若出二人何爲其然歟至於感富弼之言而
申南宋之好許諒祚之盟而罷西夏之兵邊鄙不聳
政治內修親策進士大修條制下至士庶得陳便宜
則求治之志切矣於時左右大臣曾不開一賢之進
一事之諫欲庶幾古帝王之風其可得乎雖然聖宗
以下可謂賢君矣

欽定古今圖書集成明倫彙編皇極典

第八十四卷目錄

帝紀部彙考七十八

遼六

道宗

天祚帝

皇極典第八十四卷

帝紀部彙考七十八

遼六

道宗本紀

按遼史道宗本紀道宗孝文皇帝諱洪基字涅鄰小字查剌興宗皇帝長子母曰仁懿皇后蕭氏六歲封梁王重熙十一年進封燕國總領中丞司事明年總北南院樞密使事加尚書令進封燕趙國王二十一年為天下兵馬大元帥知惕隱事預朝政帝性沈靜嚴毅每朝與宗為之斂容二十四年八月己丑興宗崩即皇帝位於柩前哀慟不聽政辛卯百僚上表固請許之詔曰朕以菲德託居士民之上第恐智識有不及羣下有未信賦斂妄與賞罰不中上恩不能及下下情不能達上凡爾士庶直言無諱可則擇用否則不以為愆卿等其體朕意壬辰以皇太弟重元為皇太叔免漢拜不名癸巳遣使報哀於宋及夏高麗甲午遣重元安撫南京軍民戊戌以遺詔命西北路招討使西平郡王蕭阿剌為北府宰相仍權知南院

樞密使事北府宰相蕭虛烈為武定軍節度使辛丑改元清寧大赦九月戊午詔常所幸園場外毋禁庚申詔除護衛士餘不得佩刀入宮非勳戚後及夷離革副使承應諸職事人不得冠巾壬戌詔夷離革及副使之族并民奴賤不得服馳尼水額裝刀柄兔鶻鞍勒珮子不許用犀玉骨突犀惟大將軍不禁乙丑賜內外臣僚實賞有差庚午尊皇太后為太皇太后辛未遣左夷離畢蕭謨魯翰林學士韓運以先帝遺物遺宋癸酉遣使以即位報宋丙子尊皇后為皇太后宴戴塗殿以上京留守宿國王陳雷為南京留守壬午遣使賜高麗夏國先帝遺物冬十月丁亥有司請以帝生日為天安節從之以吳王仁先同知南京留守事陳王塗字特為南府宰相進封吳王壬寅以順義軍節度使十神奴為南院大王十一月甲子葬興宗皇帝於慶陵宋及高麗遣使來會名其山曰永興丙寅以南院大王侯古為中京留守北府宰相西平郡王蕭阿剌進封韓王壬申次懷州有事於太宗穆宗廟甲戌謁祖陵戊寅冬至有事於太祖景宗興宗廟不受羣臣賀十二月丙戌詔左夷離畢曰朕以眇冲獲嗣大位夙夜憂懼恐弗克任欲聞直言以匡其失今已數月未見所以副朕委任股肱耳目之意其令內外百官比秋滿各言一事仍轉論所部無貴賤老幼皆得直言無諱戊子應聖節上太皇太后壽宴羣臣命婦冊妃蕭氏為皇后進封皇弟越王和魯幹為魯國王許王阿璉為陳國王楚王涅魯古徙封吳王辛卯詔部署院事有機密即奏其投謗訕書輒受及讀者並棄市癸巳皇族十公悖母伏誅甲午以

樞密副使姚景行為參知政事翰林學士吳湛為樞密副使參知政事同知樞密院事韓紹文為上京留守丙申宋遣歐陽修等來賀即位戊戌詔設學養士頒五經傳疏置博士助教各一員癸卯以知涿州楊績參知政事兼同知樞密院事庚戌以聖宗在時生辰赦上京囚是年御清涼殿放進士張孝傑等四十四人二年春正月丙辰詔州郡官及僚屬決囚如諸部族例己巳詔二女古部與世預宰相節度使之選者免皮室軍是月幸魚兒濼二月乙酉以左夷離畢蕭謨魯知西南面招討都監事乙巳以興宗在時生辰宴羣臣命各賦詩三月丁巳應聖節曲赦百里內囚己卯御製放鷹賦賜羣臣諭任臣之意閏月己亥始行東京所鑄錢乙巳南京獄空進留守以下官夏四月甲子詔曰方夏長養鳥獸孕育之時不得縱火於郊五月戊戌謁慶陵甲辰有事於興宗廟六月丁巳詔宰相舉才能之士戊午命有司籍軍補邊戊辛酉阻上會長來朝貢方物丁卯高麗遣使來貢辛未罷史官預聞朝議俾問宰相而後書乙亥中京蝗蝻為災丙子詔強盜得實者聽諸路決之丁丑南院樞密使趙國王查葛為上京留守同知南京留守事吳王仁先為南院樞密使乙酉遣使分道平賦稅繕戎器勸農桑禁盜賊八月辛未如秋山九月庚子幸中京祭聖宗興宗於會安殿冬十月丙子如中會川十一月戊戌知左夷離畢事耶律劉里為夷離畢北院大王耶律仙童知黃龍府事甲辰文武百僚上尊號曰天祐皇帝后曰懿德皇后大赦乙巳以皇太叔重元為天下兵馬大元帥徙封趙國王查葛為魏國王

魯國王和魯幹爲宋國王陳國王阿達爲秦國王吳王涅魯古進封楚國王百官進遷有差十二月戊申朔以韓王蕭阿刺爲北院樞密使東京留守宿國王陳雷北府宰相宋國王和魯幹上京留守秦國王阿達知中丞司事甲寅上皇太后尊號曰慈懿仁和文化惠孝敬廣愛宗天皇后

三年春正月庚辰如鴨子河丙戌置倒塌嶺節度使乙未五國部長來貢方物二月己未如大魚濛三月辛巳以楚國王涅魯古爲武定軍節度使夏四月丙辰清暑末安山五月己亥如慶陵獻耐于金殿同天殿六月辛未以魏國王查葛爲惕隱同知樞密院事蕭唐古南府宰相魏國王貼不東京留守秋七月甲申南京地震救其境內乙酉如秋山八月辛亥帝以君臣同志華裔同風詩進皇太后九月庚子辛中會川冬十月己酉謁祖陵庚申謁讓國皇帝及世宗廟辛酉宴耐於玉殿十一月丙子以左夷離畢蕭謨魯爲契丹行宮都部署庚子高麗遣使來貢十二月庚戌禁職官於部內假貨貿易戊辰太皇太后不豫曲赦行在五百里內囚己巳太皇太后崩

會乙酉如末安山清暑六月乙丑以北院樞密使鄭王蕭革爲南院樞密使徙封楚王南院樞密使吳王仁先爲北院樞密使秋七月辛巳制諸掌內藏庫官盜兩貫以上者許奴婢告午午獵於黑嶺冬十月戊戌朔以同知東京留守事侯古爲南院大王保安軍節度使奚底爲奚六部大王十一月癸酉行再生及柴冊禮宴羣臣於八方殿庚寅御清風殿受大冊禮大赦以吳王仁先爲南京兵馬副元帥徙封隋王壬午謁太祖及諸帝宮丙戌祠木葉山禁造玉器十二月辛丑弛馳尼水獵裘之禁乙巳許士庶畜鷹辛亥南院樞密使楚王蕭革復爲北院樞密使閏月己巳賜皇太叔重元金券是歲皇子濬生

五年春如春州夏六月甲子朔駐蹕納葛濛己丑以南院樞密使蕭阿速爲北府宰相樞密副使耶律乙辛南院樞密使惕隱查葛遣與軍節度使魯王謝家奴武定軍節度使東京留守吳王貼不西京留守秋七月丁酉以烏古敵烈詳穩蕭謨魯爲左夷離畢冬十月壬子朔幸南京祭典宗於嘉寧殿十一月禁獵十二月壬戌以北院林牙奚馬六爲右夷離畢參知政事吳湛以弟洵冒入仕籍削爵爲民是年上御百福殿放進士梁援等百一十五人

七年春三月庚戌如春州以耶律乙辛知北院樞密使事夏四月辛未禁吏民畜海東青鵠五月丙戌清暑末安山丙午謁慶陵辛亥殺東京留守陳王蕭阿刺六月壬子朔日有食之甲子以蕭謨魯爲順義軍節度使丁卯幸弘義永興崇德三宮致祭射柳賜宴賞賚有差戊辰行再生禮復命羣臣分朋射柳丁丑以楚國王涅魯古知南院樞密使事秋九月丁丑駐蹕藕絲淀冬十一月壬午以知黃龍府事耶律阿里只爲南院大王

八年春正月癸丑如鴨子河二月駐蹕納葛濛三月戊申朔楚王蕭革致仕進封鄭國王夏五月吾獨婉惕隱屯秃葛等乞歲貢馬馳許之六月丙子朔駐蹕拖古烈辛丑以右夷離畢奚馬六爲奚六部大王是月御清涼殿放進士王鼎等九十三人秋七月甲子射熊於外室刺冬十月甲戌朔駐蹕獨盧金十二月庚辰以知北院樞密使事蕭圖古辭爲北院樞密使癸未幸西京戊子以皇太后行再生禮曲赦西京四九年春正月辛亥幸鴛鴦濛辛未禁民壽銅三月辛未宋主禎殂以姪曙爲子嗣位夏五月丙午以隋王仁先爲南院樞密使徙封許王是月清暑曷里狄秋七月丙辰如太子山戊午皇太叔重元與其子楚國王涅魯古及陳國王陳六同知北院樞密使事蕭胡觀衛王貼不林牙涅刺溥古統軍使蕭迭里得駙馬都尉參及弟木者圖骨旗鼓拽刺詳穩耶律郭九文班太保奚叔內藏提點烏骨護衛左太保敵不古按答副官使韓家奴寶神奴等凡四百人誘脅弩手軍犯行宮時南院樞密使許王仁先知北院樞密院事趙

王耶律乙辛南府宰相蕭唐古北院宣徽使蕭韓家奴北院樞密副使蕭惟信敦睦宮使耶律良等率宿衛士卒數千人禦之涅魯古躍馬突出將戰為近侍詳穩渤海阿斯護衛蘇射殺之己未族逆黨家庚申重元入大漠自殺辛酉詔諭諸道壬戌以仁先為北院樞密使進封宋王加尚父耶律乙辛南院樞密使韓家奴殿前都點檢封荆王蕭惟信耶律馮家奴並加太子太傅宿衛官蕭乙辛回鶻海鄰裏里耶律撻不也阿斯官分人急里哥霞抹乙辛只魯並加上將軍諸護衛及士卒庖夫弩手傘子等二百餘人各授官有差耶律良密告重元變命籍橫帳夷離董房為漢人行宮都部署癸亥貼不訴為重元等所脅詔削爵為民流鎮州戊辰以黑白羊祭天八月庚午朔遣使安撫南京吏民癸酉以永興宮使耶律塔不也有定亂功為同知點檢司事冬十月戊辰朔幸與王寺庚午以六院部太保耶律合木知南院大王事是月駐蹕藕絲淀十一月辛丑以南院宣徽使蕭九哥為北府宰相己未追封故富春郡王耶律義先為許王是歲封皇子濬為梁王

十年春正月己亥北幸二月禁南京民決水種粳稻秋七月壬申詔決諸路囚辛巳禁僧尼私詣行在妄述禍福取財物九月壬寅幸懷州謁太宗穆宗廟冬十月壬辰朔駐蹕中京戊午禁民私刊印文字十一月甲子定吏民衣服之制辛未禁六齋日屠殺丁丑詔求乾文閣所闕經籍命儒臣校讎庚辰以彰國軍節度使韓謝十為惕隱詔南京不得私造御用綵段私貨鐵及非時飲酒命南京三司每歲春秋以官錢

饗將士十二月癸巳以北院大王蕭兀古匿為契丹行宮都部署是歲南京西京大熟

咸雍元年春正月辛酉朔文武百僚加上尊號曰聖文神武全功大略廣智聰仁睿孝天祐皇帝改元大赦開梁王濬為皇太子內外官賜級有差甲子如魚兒樂庚寅詔諸遇正旦重午冬至別表賀東宮三月丁亥以知興中府事楊績知樞密院事夏四月辛卯以知樞密院事張嗣復疾改知興中府事庚子清暑拖古烈五月辛巳夏國遣使來貢秋七月丙子以皇太后射獲熊賞賚百官有差八月丙申客星犯天廟詔諸路備盜賊嚴火禁九月乙亥駐蹕藕絲淀丁丑左夷離畢槌古為孟父敵穩冬十月丁亥朔幸豎巫閭山己亥皇太后射獲虎大宴羣臣令各賦詩十一月壬戌有星如斗逆行隱隱有聲十二月甲午以遼王仁先為南京留守徙封晉王辛亥以南京留守蕭惟信為左夷離畢壬子癸惑與月並行自旦至午二年春正月丁巳如鴨子河宋賀正使王嚴卒以禮送還癸未幸山榆淀二月甲午詔武定軍節度使姚景行問以治道拜南院樞密使三月辛巳以東北路詳穩耶律韓福奴為北院大王壬午彗星見于西方夏四月霖雨五月乙亥駐蹕拖古烈辛巳以戶部使劉訥為樞密副使六月丙戌回鶻來貢甲辰阻卜來貢秋七月癸丑朔以西北路招討使蕭木者為北府宰相左夷離畢蕭惟信南院樞密使同知南院樞密使事耶律白惕隱丙辰南院樞密使姚景行致仕庚申錄囚辛酉景行復前職丁卯如藕絲淀以歲旱遣使賑山後貧民九月壬子朔日有食之以參知政事

韓孚為樞密副使冬十二月壬午以知樞密院事楊績為南院樞密使樞密副使劉訥參知政事戊子僧守志加守司徒丁酉以西京留守合木為南院大王辛丑以蕭木者為武定軍節度使是年御未安殿放進士張臻等百一人

三年春正月辛亥如鴨子河甲子御安流殿釣魚三月癸亥宋主曙殂子頊嗣位遣使告哀即遣右護衛太保蕭撻不也翰林學士陳覺等弔祭閏月丁亥扈駕軍營火賜錢粟及馬有差辛卯駐蹕春台北淀乙巳以蕭兀古匿為北府宰相夏五月壬辰駐蹕納葛樂王寅賜隨駕官諸工人馬六月戊申有司奏新城縣民楊從謀反偽署官吏上曰小人無知此兒戲爾獨流其首惡餘釋之庚戌宋遣使饋其先帝遺物辛亥宋以即位遣陳襄來報即遣知黃龍府事蕭圖古辭中書舍人馬鉉往賀壬戌南府宰相韓王蕭唐古致仕壬申以廣德軍節度使耶律彥奴為南府宰相度支使趙徽參知政事秋七月辛丑癸惑晝見凡三十五日九月戊戌詔給諸路囚糧癸卯辛南京冬十一月壬辰夏國遣使進回鶻僧金佛梵覺經十二月丁未以參知政事劉訥為樞密副使東北路詳穩高八南院大王樞密直學士張孝傑參知政事己酉以張孝傑同知樞密院事丁巳行再生禮赦死罪以下是月夏國王李諒祚薨是歲南京旱蝗四年春正月甲戌朔日有蝕之丙子如駕養濬辛巳改易州兵馬使為安撫使丁亥獵炭山辛卯遣使振西京饑民二月甲辰朔詔元帥府募軍壬子夏國王李諒祚子秉常遣使告哀癸丑頒行御製華嚴經贊

丁卯北行三月丙子遣使夏國甲申振應州饑民乙酉詔南京除軍行地餘皆得種稻庚寅振朔州饑民乙未夏國李秉常遣使獻其父諱祚遺物夏四月戊午阿薩蘭回鶻遣使來貢五月丙戌駐蹕拖古烈六月壬子西北路兩毅方三十里丙寅以北院林牙耶律趙三為北院大王右夷離畢蕭素颯中京雷守秋七月壬申置烏古敵烈部都統軍司丙子獵黑嶺是月南京霖雨地震九月己亥駐蹕藕絲淀冬十月辛亥曲赦南京徒罪以下囚未清武清安次固安新城歸義容城諸縣水復一歲租戊辰冊李秉常為夏國王十二月辛亥夏國遣使來貢

五年春三月阻卜叛以晉王仁先為西北路招討使領禁軍討之夏六月己亥駐蹕拖古烈丙午吐蕃遣使來貢壬戌以南院樞密使蕭惟信知北院樞密使事秋七月乙丑朔日有蝕之戊辰夏國遣使來謝封冊癸未詔禁皇族恃勢侵漁細民八月謁慶陵九月戊辰仁先遣人奏阻卜捷冬十月己亥駐蹕藕絲淀十一月丁卯詔四方館副使止以契丹人充丁丑五國部阿里部叛命蕭素颯討之閏月戊申夏國王李秉常遣使乞賜印綬己未僧志福加守司徒十二月甲子行皇太子再生禮減諸路徒以下罪一等乙丑詔百官廷議國政甲戌五國來降仍獻方物六年春正月甲午如于鵝濼二月丙寅阻卜來朝貢方物夏四月癸未西北路招討司以所降阻卜會長至行在五月甲辰清暑拖古烈甲寅設賢良科詔應是科者先以所業十萬言進六月辛巳阻卜來朝乙酉以惕隱耶律白為中京雷守是月御末安殿放進

十趙廷睦等百三十八人秋七月辛亥獵於合魯轟特八月丙子耶律白薨追封遼西郡王九月庚戌幸藕絲淀甲寅以馬希白詩才敏妙十吏書不能給召試之冬十月丁卯五國部長來朝壬申西北路招討司擒阻卜酋長來獻十一月乙卯禁鬻生熟鐵于回鶻阻卜等界十二月戊午加圓釋法鈞二僧並守司空己未以坤寧節赦徒罪以下辛酉禁漢人捕獵七年春正月戊子如鴨子河二月乙丑女直進馬丙寅以南院樞密使姚景行知興中府事三月己酉以討五國功加知黃龍府事蒲延懷化軍節度使高元紀易州觀察使高正並千牛衛上將軍五國節度使蕭陶蘇幹寧江州防禦使大榮並靜江軍節度使幸黑水夏四月癸酉如納葛濼乙亥禁布帛短狹不中尺度者六月己卯吐蕃來貢癸未南院大王高八致仕秋七月甲申朔以東北路詳穩合里只為南院大王西南面招討使拾得奴為奚六部大王己丑遣使按問五京囚庚子如藕絲淀八月辛巳置佛骨於招仙浮圖罷獵禁屠殺冬十月己卯如鑒巫閭山壬戌以南府宰相耶律藥奴為南京統軍使戊辰謁乾陵庚辰詔百官廷議軍國事十一月戊子免南京流民租己丑振饒州饑民丙午高麗遣使來貢十二月壬子以契丹行宮都部署耶律胡規知北院樞密使事知北院樞密使事蕭惟信為南府宰相兼契丹行宮都部署丁巳漢人行宮都部署李仲禧北院宣徽使劉霖樞密副使王觀都承旨楊興功各賜國姓戊寅回鶻來貢是歲春州斗粟六錢八年春正月癸未烏古敵烈部詳穩耶律巢等奏克

北邊捷以戰多殺人飯僧南京中京甲申如魚兒濼壬寅昏霧連日二月丙辰北院樞密院言無事可陳壬戌以討北部功烏古敵烈部詳穩耶律巢知北院大軍事都監蕭阿魯帶烏古敵烈部詳穩知左監門衛上將軍戊辰歲饑免武安州租稅振恩尉順惠等州民三月癸卯有司奏春泰寧江三州三十餘人願為僧尼受具足戒許之夏四月壬子振義饒二州民丁巳駐蹕塔里捨己卯清暑拖古烈五月壬午晉王仁先薨六月甲寅振易州貧民己未振中京甲子振中興府甲戌封北府宰相楊績為趙王樞密副使耶律觀參知政事兼知南院樞密使事丁丑高麗遣使來貢秋七月己卯慶州斬文高八世同居詔賜爵丙申振饒州饑民丁酉幸黑嶺丁未以御書華嚴經五頒出示羣臣閏月辛未射熊於殺羊山八月庚辰混同郡王侯古薨遣使致祭九月甲子駐蹕藕絲淀冬十月己丑參知政事耶律觀矯制營私降為庶人癸巳回鶻來貢十一月庚戌免祖州稅丙辰大雪許民樵採禁地丁卯賜延昌宮貧戶錢十二月戊辰漢人行宮都部署耶律仲禧封韓國公樞密副使參知政事趙徽出為武定軍節度使樞密副使柴德滋參知政事漢人行宮副部署耶律大悲奴陞都部署同知南院樞密使事蕭韓家奴知左夷離畢事丁丑以坤寧節大赦庚寅賜高麗佛經一藏九年春正月丁未如雙濼夏四月壬辰如旺國崖秋七月甲辰獵大熊山戊申烏古敵烈統軍言八石烈敵烈人殺其節度使以叛己酉詔隗烏古部軍分道擊之丙寅南京奏歸義冰水兩縣蝗飛入宋境餘為

蜂所食八月丙申以耶律仲禧為南院樞密使九月癸卯駐蹕獨廬金冬十月幸陰山遂如西京十一月戊午詔行幸之地免租一年甲子南院大王合理只致仕十二月辛未以知北院樞密使事耶律宜新為中京留守南院宣徽使耶律撒刺為南院大王壬辰高麗夏國並遣使來貢

十年春正月乙卯如駕鶯鶯二月癸未錫平州復業民租賦戊子阻卜來貢三月甲子如拖古烈以耶律巢為北院大王夏四月旱辛未以奚人達魯二世同居賜官旌之五月丙寅錄囚六月戊辰親出題試進士壬申詔臣庶言得失丙子御末安殿策賢良秋七月丙辰如秋山癸亥謁慶陵九月庚戌幸東京謁二儀五駕殿癸亥祠木葉山冬十月丁卯駐蹕藕絲淀丁丑詔有司頒行史記漢書十一月戊午高麗遣使來貢十二月辛巳改明年為大康大赦

大康元年春正月乙未如混同江壬寅振雲州饑二月丁卯祥州火遣使恤災乙酉駐蹕大魚澤丁亥以獲鵝加鷹坊使耶律楊六為工部尚書三月乙巳命皇太子寫佛書夏四月丙子振平州饑乙酉如犢山閏月丙午振平澤二州饑庚戌皇孫延禧生五月甲子賜妃之親及東宮僚屬爵有差六月癸巳以興聖宮使奚謝家奴知奚六部大王事戊戌知三司使事韓操以錢穀增羨授三司使癸卯遣使按問諸路囚以楊隱大悲奴為始平軍節度使參知政事柴德滋武定軍節度使乙卯吐蕃來貢丙辰詔皇太子總領朝政仍戒諭之以武定軍節度使趙徽為南府宰相樞密副使楊遵助參知政事秋七月辛酉朔獵平地

松林丙寅振南京貧民八月庚寅朔日有食之九月乙亥駐蹕藕絲淀己卯以南京饑免租稅一年仍出錢粟振之冬十月西北路酋長還拾羅搭雙古等來降十一月辛酉皇后被誣賜死殺伶人趙惟一高長命並籍其家屬十二月己丑以南京統軍使耶律藥奴為惕隱漢人行宮都部署耶律深樞密副使同知東京留守事蕭鐸刺夷離畢庚寅賜張孝傑國姓壬辰以西京留守蕭燕六為左夷南畢

二年春正月己未如春水庚辰駐蹕雙樂二月戊子振黃龍府饑癸丑南京路饑免租稅一年三月辛酉皇太后崩壬戌遣殿前副點檢耶律轉古報哀于宋癸亥遣使報哀於高麗夏國丁卯大赦戊寅以皇太后遺物遣使遺宋夏六月乙酉朔上太行皇太后尊諡曰仁懿皇后戊子宋及高麗夏國各遣使弔祭甲午葬仁懿皇后於慶陵己亥駐蹕拖古烈壬寅出北院樞密使魏王耶律乙辛為中京留守丁未冊皇后蕭氏封其父祇候郎君鼉里刺為趙王叔西北路招討使余里也還西郡王漢人行宮都部署駙馬都尉霞抹柳城郡王參知政事楊遵助知南院樞密使事北院樞密副使蕭速撒知北院樞密使事漢人行宮副部署劉訛參知政事己酉南府宰相趙徽致仕秋七月戊辰如秋山癸酉柳城郡王霞抹薨八月庚寅獵遇驢失其母憫之不射九月戊午以南京蝗免明年租稅己卯駐蹕藕絲淀冬十月戊戌召中京留守魏王耶律乙辛復為北院樞密使十一月甲戌上欲觀起居注修注郎不顯及忽突董等不進各杖二百罷之流林牙蕭巖壽於烏隄部是月南京地震民舍

多壞十二月己丑以左夷南畢蕭撻不也為南院統軍使

三年春正月癸丑如混同江乙卯省諸道春貢金帛及停周歲所輸尚方銀二月壬午朔東北路統軍使蕭韓家奴加尚父封吳王甲申詔北院樞密使魏王耶律乙辛同母兄大奴同母弟阿思世預北院樞密之選其異母諸弟世預夷離畢之選己丑如魚兒澤辛卯中京饑罷巡幸夏四月乙酉泛舟黑龍江五月丙辰玉田安次蜂傷稼癸亥日中有黑子己巳駐蹕犢山乙亥北院樞密使耶律乙辛奏右護衛太保查刺等告北院樞密使蕭速撒等八人謀立皇太子上以無狀不治出速撒等三人補外護衛撒撥等六人各鞭百餘徙於邊丙子以西北路招討司遼西郡王蕭余里也為北府宰相兼知契丹行宮都部署事戊寅詔告謀逆事者重加官賞六月己卯朔耶律乙辛令牌印郎君蕭訛都幹誣誣首嘗預速撒等謀藉其姓名以告即命乙辛及耶律仲禧蕭余里也耶律孝傑楊遵助燕哥抄只蕭十三等鞠治杖皇太子囚之宮中辛巳殺宿直官敵里刺等三人壬午殺宣徽使撻不也等二人癸未殺始平軍節度使撒刺等十人又遣使殺上京留守速撒及已徙護衛撒撥等六人乙酉殺耶律撻不也及其弟陳留丙戌廢皇太子為庶人囚之上京己丑回鶻來貢殺東京留守同知耶律回里不辛卯殺速撒等諸子籍其家戊申遣使按五京諸道獄秋七月辛亥護衛太保查刺加鎮國大將軍預突呂不部節度使之選室韋查刺及蕭寶神奴謀魯古並加左衛大將軍牌印郎君訛都幹尚皇

女越國公主授駙馬都尉始平軍節度使祇候郎君
耶律撻不也及蕭圖古辭並加監門衛上將軍壬子
知北院樞密副使蕭韓家奴爲漢人行宮都部署乙
丑如秋山丁丑謁慶陵八月庚寅漢人行宮都部署
蕭韓家奴薨辛丑謁慶陵九月癸亥玉田貢嘉禾壬
申修乾陵廟冬十月辛丑駐蹕藕絲淀十一月北院
樞密使耶律乙辛遣其私人盜殺庶人濬於上京閭
十二月戊午以北府宰相遼西郡王蕭余里也知北
院樞密使事左夷離畢耶律燕哥爲契丹行宮都部
署丙寅預行正旦禮是歲南京大熟

四年春正月庚辰如春水甲午振東京餓二月乙丑
駐蹕掃獲野戊辰以東路統軍使耶律王九爲惕隱
夏四月辛亥高麗遣使乞賜鴨綠江以東地不許五
月丙戌駐蹕散水原六月甲寅阻卜諸酋長進良馬
秋七月甲戌諸路奏飯僧尼三十六萬八月癸卯詔
有司決滯獄九月乙未駐蹕藕絲淀庚子五國部長
來貢冬十月癸卯以參知政事劉仲爲保靜軍節度
使十一月丁亥禁士庶服用錦綺日月山龍之文己
丑回鶻遣使來貢庚寅南院樞密使耶律仲禧爲廣
德軍節度使辛卯錦州民張寶四世同居命諸子三
班院祇候十二月丁卯以北院樞密副使耶律霖知
北院樞密使事

五年春正月壬申如混同江癸酉賜宰相耶律孝傑
名仁傑乙亥如山榆淀三月辛未以宰相仁傑獲頭
鵝加侍中壬辰以北院樞密使魏王耶律乙辛知南
院大王事加于越知北院樞密使事耶律霖爲北院
樞密使北院樞密副使耶律特里底知北院樞密使

事左夷離畢耶律世遷同知北院樞密使事夏四月
己未如納葛濠五月丁亥謁慶陵以契丹行宮都部
署耶律燕哥爲南府宰相北面林牙耶律末寧爲夷
離畢同知南院樞密使事蕭撻不也及殿前副點檢
駙馬都尉蕭蘭幹並封蘭陵郡王六月辛亥阻卜來
貢丁巳以北府宰相遼西郡王蕭余里也爲西北路
招討使己未遣使錄囚是月放進士劉瑾等百一十
三人秋七月己卯獵夾山八月庚申命有司撰太宗
神功牌立於南京九月己卯詔諸路毋禁僧徒開壇

壬午禁扈從擾民冬十月戊戌夏國遣使來貢己亥
駐蹕獨盧金壬子詔惟皇子仍一字王餘並削降丁
巳振平州貧民己未以趙王楊績爲遼西郡王魏王
耶律乙辛降封混同郡王吳王蕭韓家奴蘭陵郡王
致仕十一月丁丑召沙門守道開壇於內殿癸未復
南京流民差役三年被火之家免租稅一年十二月
丙午彗星犯尾乙卯幸西京戊午行再生禮赦雜犯
死罪以下

六年春正月癸酉如駕濠辛卯耶律乙辛出知興
中府事三月庚寅封皇孫延禧爲梁王忠順軍節度
使耶律頗德南院大王耶律仲禧南院樞密使戶部
使陳毅參知政事夏四月乙卯獵炭山五月壬申免
平州復業民租賦一年庚寅以旱禱雨命左右以水
相沃俄而雨降六月戊戌駐蹕納葛濠戊申以度支
使王績參知政事庚戌女直遣使來貢秋七月戊辰
觀市癸未爲皇孫梁王延禧設旗鼓拽刺六人衛護
之甲申獵沙嶺九月壬寅祠木葉山己酉駐蹕藕絲
淀冬十月癸未朔省同知廣德軍節度使事命奉先

軍節度使兼巡警乾顯二州丁卯耶律仁傑出爲武
定軍節度使庚午參知政事劉詵致仕癸酉以陳毅
爲漢人行宮都部署王績同知樞密院事辛巳回鶻
遣使來貢十一月己丑朔日有食之癸卯召羣臣議
政十二月甲子以耶律特里底爲孟父敵穩乙丑以
蕭撻不也爲北府宰相耶律世遷知北院樞密使事
耶律慎思同知北院樞密使事庚午免西京流民租
賦一年甲戌減民賦丁亥豫行正旦禮戊子如混同
江

七年春正月戊申五國部長來貢甲寅女直貢良馬
二月甲子如魚兒濠夏五月壬子駐蹕嶺西癸丑有
司奏末清武清固安三縣蝗甲寅以蕭撻不也兼殿
前都點檢蕭蘭幹爲漢人行宮都部署兼知樞密院
事六月甲子詔月祭觀德殿歲寒食諸帝在時生辰
及忌日詣景宗御容殿致奠丙寅阻卜余古報來貢
丁卯以翰林學士王言敷參知政事封北院宣徽使
石篤漆水郡王秋七月戊子如秋山丙申謁慶陵八
月丁卯射虎赤山加圍場使涅葛爲靜江軍節度使
九月戊子次懷州命皇后謁懷陵辛卯次祖州命皇
后謁祖陵乙巳駐蹕藕絲淀冬十月戊辰以惕隱王
九爲南院大王夷離畢奚抄只爲彰國軍節度使十
一月乙酉詔歲出官錢振諸宮分及邊戍貧戶丁亥
幸駙馬都尉蕭蘭幹第方飲宰相梁穎諫曰天子不
可飲人臣家上即還宮己亥高麗遣使來貢辛亥除
帛絹尺度狹短之令十二月丁卯武定軍節度使耶
律仁傑以罪削爵爲民辛未知興中府事耶律乙辛
以罪囚於萊州

八年春正月甲申如混同江丁酉鐵驪五國諸長各貢方物二月戊午如山榆浞辛酉詔北南院官凡給驛者必先奏聞貢新及奏獄訟方許馳驛餘並禁之己巳夏國獲朱將張天一遣使來獻壬申以耶律頗德爲南府宰相兼知北院樞密使燕哥爲惕隱蕭撻不也兼知契丹行宮都部署事三月庚戌黃龍府女直部長木乃率部民內附予官賜印綬是月詔行柁黍所定升斗夏四月壬戌以耶律世遷爲上京留守六月辛亥朔駐蹕納葛濛丙辰夏國遣使來貢丁巳以耶律頗德爲北院樞密使耶律巢哥南府宰相劉筠南院樞密使蕭撻不也兼知北院樞密使事王績漢人行宮都部署蕭酬幹國舅詳穩乙丑阻卜長來貢丙子以耶律慎思知右夷離畢事秋七月甲午如秋山南京霖雨沙河溢未清歸義新城安次武清香河六縣傷稼九月庚寅謁慶陵丁未駐蹕藕絲淀大風雪牛馬多死賜扈從官以下衣馬有差冬十月乙卯詔化哥傳導梁王延禧加金吾衛大將軍丙子謁乾陵十一月壬午以乙室大王蕭何葛爲南院宣徽使權知奚六部大王事圖趕爲本部大王十二月癸丑烏古敵烈統軍使耶律馬五爲北院大王庚申降皇后爲惠妃出居乾陵

九年春正月辛巳如春水夏四月丙午朔大雪平地丈餘馬死者十六七五月如黑嶺六月己未駐蹕散水原甲子以耶律阿思爲契丹行宮都部署耶律慎思北院樞密副使庚午詔諸路檢括脫戶罪至死者原之閏月丁丑以漢人行宮副部署可汗奴爲南院大王戊寅追諡庶人濬爲昭懷太子丁亥阻卜來貢

己丑以知興中府事邢熙年爲漢人行宮都部署漢人行宮都部署王績爲南院樞密副使秋七月乙巳獵馬尾山丁巳謁慶陵癸亥禁外官部內貸錢取息及使者館於民家八月高麗王徽薨九月癸卯朔日有食之己酉射熊於白石山加圍場使涅葛左金吾衛大將軍己巳以高麗王徽子三韓國公勳權知國事辛未五國部長來貢壬申召北南樞密院官議政事冬十月丁丑謁觀德殿己卯南院樞密使劉筠薨壬辰混同郡王耶律乙辛謀亡入宋伏誅十一月丙午進封梁王延禧爲燕國王大赦以南院宣徽使蕭何葛爲南府宰相三司使王經參知政事兼知樞密事甲寅詔僧善知讎校高麗所進佛經頒行之己未定諸令史譯史遷敘等級十二月丁亥以邢熙年知南院樞密使事辛卯以王言數爲漢人行宮都部署高麗三韓國國王勳薨是年御前放進士李君裕等五十一人

十年春正月辛丑朔如春水丙午復建南京奉福寺浮圖戊辰如山榆浞二月庚午朔萌古國遣使來聘三月戊申遠萌古國遣使來聘丁巳命知制誥王師儒牌印郎君耶律因傳導燕國王延禧夏四月丁丑女直貢良馬五月壬戌駐蹕散水原乙丑阻卜來貢丙寅降國舅詳穩班位在敵穩之下六月壬辰禁毀銅錢爲器秋七月甲辰如黑嶺九月癸亥駐蹕藕絲淀冬十二月乙未改慶州大安軍曰興平是月改明年爲大安赦雜犯死罪以下
大安元年春正月丁酉如混同江癸卯王績知南院樞密使事邢熙年爲中京留守戊申以樞密直學士

杜公謂參知政事庚戌五國會長來貢良馬二月辛未如山榆浞夏四月乙酉宋主項祖子煦嗣位使來告哀辛卯西幸六月戊辰駐蹕拖古烈壬申以王績爲南府宰相蕭撻不也兼知南院樞密使事丁丑遣使弔祭於宋戊寅宋遣王真甄祐等饋其先帝遺物秋七月乙巳遣使賀宋主即位戊午獵於赤山八月丁卯幸慶州戊辰謁慶陵冬十月癸亥駐蹕好草淀戊辰夏國王李秉常遣使報其母梁氏哀甲申以蕭撻不也爲南院樞密使十一月乙未詔比者外官因舉進秩久而不調民被其害今後皆以資給還轉丁酉以南女直詳穩蕭袍里爲北府宰相辛亥史臣進太祖以下七帝實錄丙辰遣使冊三韓國公王勳子運爲高麗國王己未詔僧尼無故不得赴闕十二月甲戌宋遣蔡卞來謝弔祭

二年春正月辛卯如混同江己酉五國諸部長來貢癸丑召權翰林學士趙孝嚴知制誥王師儒等講五經大義二月癸酉駐蹕山榆浞是月太白犯歲星三月乙酉女直貢良馬夏四月戊戌北幸癸丑遣使加統軍使蕭訛都幹太子太保裨將老古金吾衛大將軍蕭雅哥靜江軍節度使耶律燕奴右監門衛大將軍仍賜資諸軍士五月丁巳朔以牧馬蕃息多至百萬賞羣牧官以次進階乙亥駐蹕納葛濛戊寅宰相梁穎出知興中府事是月放進士張穀等二十六人六月丁亥朔以左夷離畢耶律坦爲惕隱知樞密院事耶律幹特刺兼知左夷離畢事丙申阻卜來朝癸卯遣使按諸路獄甲辰以同知南京留守事耶律那也知右夷離畢事乙巳阻卜酋長余古叔及愛的來

朝詔燕國王延禧相結爲友戊申以契丹行宮都部
署耶律阿思兼知北院大王事壬子高墩以下縣令
錄事兄弟及子悉許敘用秋七月丁巳惠妃母燕國
夫人削古以厭魅梁王事覺伏誅于蘭陵郡王蕭嗣
幹除名置邊郡仍隸興聖宮戊午獵沙嶺甲子賜典
聖積慶二宮貧民錢乙酉出粟振遼州貧民八月戊
子以雪罷獵九月庚午還上京壬申發粟振上京中
京貧民丙子謁二儀五鳳二殿己卯由太祖太宗所
御鐘仗示燕國王延禧諭以創業征伐之難辛巳召
南府宰相議國政冬十月乙酉朔以樞密副使賈景
庸知樞密院事丙戌五國部長來貢丁亥以夏國王
李秉常薨遣使諒其子乾順知國事十一月甲戌爲
燕國王延禧行再生禮曲赦上京丙戌寅高麗遣使
謝封冊癸未出粟振乾顯成監四州貧民十二月辛
卯以蘭陵郡王蕭撻不也爲南院樞密使己亥夏國
主李乾順遣使上其父遺物

三年春正月乙卯如魚兒濛甲戌出錢粟振南京貧
民仍復其租賦己卯大雪二月丙戌發粟振中京饑
甲辰以民多流散除安泊逃戶徵償法三月乙卯高
麗遣使來貢己未免錦州貧民租一年甲戌免上京
貧民租如錦州庚辰女直貢良馬夏四月戊子賜中
京貧民帛及免諸路貢輸之半丙申賜隈烏古部貧
民帛庚子如涼陁甲辰南府宰相王績薨乙巳詔出
戶部司票振諸路流民及義州之饑五月庚申海雲
寺進濟民錢千萬秋七月丙辰獵黑嶺丁巳出雜帛
賜興聖宮貧民庚午大雨罷獵丁丑秦越國王阿璉
薨九月乙亥駐蹕回營金冬十月庚辰以參知政事

王經爲三司使壬辰罷節度使已下官進珍玩癸卯
追封秦越國王阿璉爲秦魏國王十一月甲寅以惕
隱耶律坦同知南京留守事遼興軍節度使耶律王
九爲南府宰相十二月己卯朔以樞密直學士呂嗣
立參知政事

四年春正月庚戌如混同江甲寅太白晝見甲子五
國部長來貢庚午免上京逋逃及貧戶稅賦甲戌以
上京南京饑許良人自鬻丁丑曲赦西京役徒二月
己丑如魚兒濛甲午曲赦春州役徒終身者皆五歲
免己亥如春州赦泰州役徒二月乙丑免高麗歲貢
己巳振上京及平錦來三州饑夏四月己卯振蘇吉
復錄鐵五州貧民并免其租稅甲申振慶州貧民乙
酉減諸路常貢服御物丁酉立入粟補官法癸卯西
幸詔樞密直學士耶律儼講尚書洪範五月辛亥命
燕國王延禧爲尚書五子之歌乙卯振祖州貧民丁
巳召免役徒終身者五歲免之己未振春州貧民丙
寅禁挾私引水犯田六月庚辰駐蹕散水原丁亥命
燕國王延禧知中丞司事以同知南院樞密使事耶
律轟里知右夷離畢知右夷離畢事耶律那也同知
南院樞密使事庚寅北院樞密使耶律頗德致仕秋
七月戊申曲赦奉聖州役徒丙辰遣使冊李乾順爲
夏國王庚申如秋山己巳禁錢出境八月庚辰有司
奏宛平末清蝗爲飛鳥所食庚寅謁慶陵冬十月丁
丑獵遼水之濱己卯駐蹕藕絲淀癸未免百姓所貸
官粟己丑知北院樞密使事耶律阿思封漆水郡王
癸巳以乙室大王耶律敵烈知西北路招討使事權
知西北路招討使事蕭朽哥知乙室大王事壬寅詔

諸部長官親鞠獄訟十一月庚申與中府民張化法
以父兄犯盜當死請代皆免十二月戊寅南府宰相
耶律王九致仕癸未以孟父敵穩耶律慎思爲中京
留守閏十二月癸卯朔預行正旦禮丙午如混同江
五年春正月癸未如魚兒濛甲午高麗遣使來貢三
月癸酉詔析津大定二府精選舉人以聞仍詔論學
者當窮經明道夏四月甲辰以知奚六部大王事涅
葛爲本部大王壬子獵北山甲子霖雨罷獵五月丁
亥駐蹕赤勒嶺己丑以阻卜磨古斯爲諸部長癸巳
回鶻遣使貢良馬己亥以同知南院樞密使事耶律
那也知右夷離畢事左祇候郎君班詳穆耶律涅里
知北院大王事六月甲寅夏國遣使來謝封冊壬戌
以參知政事王言敷爲樞密副使前樞密副使賈士
勳參知政事兼同知樞密院事秋七月庚午獵沙嶺
九月辛卯遣使遺宋鹿脯壬辰駐蹕藕絲淀冬十月
乙巳以新定法令太煩復行舊法庚申以遼興軍節
度使何葛爲乙室大王十一月丁卯朔燕國王延禧
生子大赦妃之族屬進爵有差

六年春正月如混同江二月辛丑駐蹕雙山三月辛
未女直遣使來貢夏四月丁酉東北路統軍司設掌
法官庚子以同知南院樞密使事耶律吐朵知左夷
離畢事五月壬辰駐蹕散水原六月甲寅遣使決五
京囚秋七月丙子如黑嶺冬十月丁酉駐蹕藕絲淀
十一月壬戌高麗遣使來貢己巳以南府宰相賈景
庸爲武定軍節度使是年放進士文充等七十二人
七年春正月壬戌如混同江二月己亥駐蹕魚兒濛
壬寅詔給渭州貧民耕牛布絹三月丙戌駐蹕黑龍